



Chistiona su Sardu!

Letzione N.17

Ite faghimus?

Maistra: Cuncordare paris una cosa de fàghere, pensare un'istrategia est cussu chi ant a chistionare sos protagonistas de custu diàlogu.

Lio: M'est arribbadu unu sms dae Luca. Ite nde naras de andare a bìdere su cuntzertu istanote?

Marisa: A mie sa mùsica rap mi praghet meda, nos lassant andare?

Lio: Cuncordada bene emmo. Forsis cumbinimus a babbu a bènnere ca de giòvanu sonaiat in unu cumlessu musicale e sighit a s'interessare de mùsica.

Marisa: E mama tua benit?

Lio: Dipendet dae s'umore e si su tempus est bellu. Si benit est pro si fàghere un'essida.

Marisa: E Micheli? At a èssere in punitzione?

Lio: Si assentat totu e mama est cuntenta de comente l'at fatu. Si nono de seguru no lu faghet essire nessi pro custu sero.

Marisa: Pensas chi babbu tuo s'at a inchietare cando torrat?

Lio: Dipendet dae comente mama li presentat sa situatzione.

Marisa: Apo cumprèndidu. Tando andamus a bìdere it'est cumbinende Micheli...

Lio: Mi paret un'idea bona. Ma sena chi mama si nd'abbiget...